

陳真人傳

真人姓陳名世賢榮芳其字也父有仁母戴氏世居瀏北橫塘里雍正七年八月十五日生性純孝善讀書幼孤而貧故藝取貲養母先意承志人皆孝之真人曰孝何敢言不過遇食不忘母服勞不惜身而已遇酒肉必辭曰吾今日茹素以是日無酒肉奉母也若預備酒肉於家則食之母卒乃茹素或輩之真人曰生無以隆膳養歿無以致豐祀母恩未報故茹素也未幾遷居南市街數年乃裹糧訪道遍歷名山抵武當山枕行李卧於廟門外或醒之曰君有仙骨瀏東祖師巖勝境也可修真焉真

人曰途遙貲少旁一人曰真心向道有真武純陽二祖師相引
無虞也遂反里以其事語羅君同抵是巖羅饑而返真人送之
曰知汝不能脫烟火氣也乾隆三十八年冬坐化於巖年四十
六歲也初真武祖師入此巖修真後抵武當成道士人故以祖
師名是巖也巖之上峯入雲端巖之下壁立萬仞巖之中晴霞
掩映泉水流清蓋洞天福地云真人形骸不朽多厯年所其外
姪某歲往省之嘉慶中年有瘋癲者抵其巖歸而愈鄉人神之
患病者往禱輒驗遂就其巖廟祀之嗣是旱潦災厄叩之則已
咸豐初年粵匪屢犯瀏界官營團勇嚴守之真人或示旌旂於

隘或醒士卒於營屢救竊營之難而湘省無恙中丞駱秉章廉
其事聞於朝勅封昭顯真人又濂居近橫塘其事母之孝茹素
之由嘉道時父老猶有目而見之者因瀏志所載不無異詞故
爲之立傳以徵其實事云

附貢生屈又濂謹識